



ভারতের শীর্ষ ৩০ ক্ষমতাধর ব্যক্তির তালিকায় শাহরুখ পৃষ্ঠ ৫

নিউজ

সারাদিন

আইপিএল খেলতে পারবেন তো সূর্যকুমার যাদব?



বাংলার মানুষের সাথে, মানুষের পাশে

পৃষ্ঠ ৬

Digital media act No. : DM /34/2021 • Govt. of India Reg No. : WB18D0018520 (UAN) • ISBN No. : 978-93-5918-830-0 • Website : https://paper.newssaradin.live/ • বর্ষ ৩ সংখ্যা ০৬৬ • কলকাতা • ২৪ ফাল্গুন, ১৪৩০ • শুক্রবার • ০৮ মার্চ, ২০২৪ পৃষ্ঠা - ৬ ৫ টাকা

৩৭০ ধারা রদেবের পর কাশ্মীরে দাঁড়িয়ে কী বার্তা মোদির?



স্টাফ রিপোর্টার, নিউজ সারাদিন : কাশ্মীর হল ভারতের কপাল। বিকশিত ভারত গড়ে তুলতে গেলে সবার আগে দরকার বিকশিত কাশ্মীর। ৩৭০ ধারা বিলোপের পরে প্রথমবার কাশ্মীরে গিয়ে ঢালাও উন্নয়নের বার্তা দিলেন প্রধানমন্ত্রী নরেন্দ্র মোদি। জানিয়ে দিলেন, কাশ্মীরবাসীর মন জিততেই উপত্যকায় গিয়েছেন তিনি। বিশেষকণের মতে, কাশ্মীর থেকে সন্ত্রাসবাদ একেবারে সমূলে উৎপাটন করতে চান মোদি। সেই জন্যই ঢালাও উন্নয়নের পথে হাঁটছে কেন্দ্র। উন্নয়ন হলে জনমানসে জঙ্গিদের প্রভাব কমবে, কর্মসংস্থান হলে কমবে সন্ত্রাসবাদও। সেই জন্যই লোকসভা নির্বাচনের আগে কাশ্মীরে গিয়ে প্রধানমন্ত্রীর বার্তা, "আপনাদের মন জিততে এসেছি। কারণ জম্মু-কাশ্মীর শুধু একটা এলাকা নয়। এটা ভারতের কপাল।" প্রধানমন্ত্রীর কথায়, কৃষকদের ক্ষমতায়ন, পর্যটনের সম্ভাবনা-এরপর ৩ পাতায়

ফের রাজ্যে কোটি টাকার প্রকল্পের সূচনা করবেন মুখ্যমন্ত্রী



স্টাফ রিপোর্টার, নিউজ সারাদিন : ফের রাজ্যের বিভিন্ন জেলায় কয়েক হাজার কোটি টাকার প্রকল্পের উদ্বোধন করবেন মুখ্যমন্ত্রী মমতা বন্দ্যোপাধ্যায়। আগামী ১২ মার্চ নবানু থেকেই ভারুয়ালি এই সব প্রকল্পের উদ্বোধন করার কথা মুখ্যমন্ত্রীর। একশো দিনের কাজের টাকা জব কার্ড হোল্ডাররা ঠিক মতো পেয়েছেন কিনা, এদিন সেই বিষয়টিও জেলাশাসকদের কাছ থেকে জানতে চান মুখ্য সচিব। জানা গিয়েছে, গত ২৬ ফেব্রুয়ারি থেকে এই টাকা দেওয়ার প্রক্রিয়া শুরু হয়েছে। ৯৫ শতাংশ মানুষের কাছে এই টাকা পৌঁছে গিয়েছে। এখনও পাঁচ শতাংশ শ্রমিকের টাকা পাওয়া বাকি। কেন এই সব শ্রমিকদের টাকা পেতে দেরি হচ্ছে, সেই বিষয়টি এদিন জানতে চান মুখ্য সচিব। বাকি শ্রমিকদের কাছেও যাতে

শুভেন্দুর হাত ধরে 'গেরুয়া' অভিজিত, নারদ প্রসঙ্গ টেনে সিবিআই এফআইআর স্মরণ করালেন অভিষেক



স্টাফ রিপোর্টার, নিউজ সারাদিন : দুটি লাইনের মাহের কথাগুলি পড়ে নিতে আমজনতাকে পরামর্শ দিয়েছিলেন অভিষেক বন্দ্যোপাধ্যায়। প্রসঙ্গ ছিল অভিজিত গঙ্গোপাধ্যায়ের বিজেপিতে যোগদান। বৃহস্পতিবার আনুষ্ঠানিকভাবে গেরুয়া শিবিরে নাম লিখিয়েছেন কলকাতা হাইকোর্টের প্রাক্তন বিচারপতি। মঙ্গলবারই অভিষেক বন্দ্যোপাধ্যায়কে অভিজিত গঙ্গোপাধ্যায়ের বিজেপিতে যোগদান নিয়ে প্রশ্ন করা হলে তিনি জানিয়েছিলেন, প্রাক্তন বিচারপতি স্পষ্ট করেই বলছেন, বিচার ব্যবস্থায় থাকাকালীন তথা বিচারপতির পদে আসীন হয়েই তিনি বিজেপির সঙ্গে যোগাযোগ রেখে গেছেন। অর্থাৎ, তাঁর এজলাস থেকে যে যে রায় এসেছে, যে মামলাগুলির শুনানি হয়েছে, সেই সময়ে

হঠাৎ সুদীপ-নয়নাকে ধনাবাদ!

তাপস রায়কে 'জবাব' ফেরালেন মমতা!



স্টাফ রিপোর্টার, নিউজ সারাদিন : নারী দিবস উদযাপনে মিছিল করলেন মমতা বন্দ্যোপাধ্যায়, অভিষেক বন্দ্যোপাধ্যায়। কলেজ স্ট্রিট থেকে হেঁটে ডোরিনা ক্রসিং পর্যন্ত মিছিল করেন মমতা। লোকসভা ভোটের আগে মহিলা ভোটারদের লক্ষ্য রেখেই তৃণমূল কংগ্রেসের বিশেষ মিছিল ছিল আজ। নজরে ছিলেন খোদ তৃণমূল সুপ্রিমো মমতা বন্দ্যোপাধ্যায়। মমতার কথায়, "বাংলা নিয়ে এত গুসসা কেন? বাংলাকে নিয়ে এত বদনাম করার দরকার কী? কালও বিজেপি বলে গেল এখানে নাকি মহিলারা নির্যাতিত হয়, আমি চ্যালেঞ্জ করে বলেছি এখানে মহিলার সব থেকে বেশি করে নিরাপদ। আমি বিজেপিকে বলি বাংলা নিয়ে আপনাদের এত রাগ কেন?" এরপরেই প্রধানমন্ত্রী নরেন্দ্র মোদির নাম না করে মমতার কটাক্ষ, "গতকাল বলে গেলেন

BAIRGACHI J.A. SHIKSHA MISSION (H.S.)
বৈরগাছি জে.এ.শিক্ষা মিশন (উঃমাঃ)

Admission for Class XI (Arts Only Girls & Science Boys and Girls)

সাহ ও পোঃ বৈরগাছি, থানাঃ গাজোল, জেলাঃ মালদা, পিন- ৭৩২১০২

Limited Seats

ESTD-2011, Regd.No- S/1L/81737

Mob- 9800498485 / 9614566022

২০২৪ শিক্ষাবর্ষে একাদশ শ্রেণিতে ভর্তি সংক্রান্ত বিজ্ঞপ্তি

ভর্তি ফর্মের মূল্য- ১০০ (একশত) টাকা মাত্র।
ফর্ম সংগ্রহের তারিখ- ২৮/০১/২০২৪ (রবিবার) থেকে বিদ্যালয়ের অফিসে বা মিশনের ওয়েবসাইট-
www.bjasm.in

ফর্ম জমা করার শেষ তারিখ- ২৩/০২/২০২৪ (শুক্রবার)।
প্রবেশিকা পরীক্ষা- ২৫/০২/২০২৪ তারিখ (রবিবার) দুপুর ১২টা থেকে। মিশনের নিজস্ব ক্যাম্পাস।
প্রবেশিকা পরীক্ষার ফলাফল জানা যাবে www.bjasm.in এই ওয়েবসাইটে এবং এই মোবাইল নম্বরগুলিতে ফোন করে। 9614566022 / 9800498485

মৌখিক পরীক্ষা অভিভাবকের সাক্ষাৎকার ও ভর্তি- ০৩/০৩/২০২৪ (রবিবার)।
পরীক্ষা হবে মোট ৫০ নম্বরের। (বিজ্ঞান বিভাগ- বাংলা-১০, ইংরেজি-১০, অঙ্ক-১০, জীবন বিজ্ঞান-১০, গৌত বিজ্ঞান-১০)
কলা বিভাগ- বাংলা-১০, ইংরেজি-১০, ইতিহাস-১০, ভূগোল-১০ সাম্প্রতিক ঘটনাবলী- ১০)।

প্রতিষ্ঠানের বিশেষত্ব

- ছাত্র-ছাত্রীদের সুরক্ষার জন্য ২৪x৭ CCTV এর নজরদারি।
- স্বাস্থ্যসম্বন্ধে খাবার ও পরিষ্কৃত পানীয় জল।
- মিশন ক্যাম্পাসে খেলার মাঠ।
- ২৪ ঘণ্টা নিরবচ্ছিন্ন বিদ্যুৎ পরিসেবা।
- সাপ্তাহিক স্বাস্থ্য পরীক্ষা।
- হেলে ও মেয়েদের জন্য আলাদা ক্যাম্পাস।
- লাইব্রেরির সুব্যবস্থা।
- কম্পিউটার ল্যাব।
- প্রোজেক্টরের মাধ্যমে অডিও ভিজুয়াল ক্লাস।
- সায়োল ল্যাব।
- অভিজ্ঞ পোস্ট টিচার দ্বারা পাঠদানের ব্যবস্থা।
- NEET কোর্স এর ব্যবস্থা।

একটি আদর্শ (আবাসিক অনাবাসিক) শিক্ষা প্রতিষ্ঠান

Exam Date- 25/02/2024
Result- 29/02/2024
Admission -3 /03/2024

Orgd. by- Bairgachi Public Education & Welfare Society
VIII- & P.O- Bairgachi, P.S- Gazole, Dist- Malda, Pin-732102

ভবানী চাইল্ড ইনস্টিটিউট

ভর্তি চলছে

- ২০২৪ শিক্ষাবর্ষের নার্সারি শ্রেণির পঠন-পাঠন ৬ই ডিসেম্বর বুধবার ২০২৩ থেকে শুরু হবে।
- আসন সংখ্যা সীমিত। অভিভাবকদের নীচের মোবাইল নম্বরে যোগাযোগ করার জন্য জানানো যাচ্ছে।

ভর্তির সময়- সকাল ৯টা থেকে বেলা ১টা।
যোগাযোগ-
9083249944 / 9083249933 / 9083249922



টাটা হিটাচি ইএক্স ২১০ এলসি প্রাইম লঞ্চ করল কোম্পানি খনির ভবিষ্যত নির্মাণ করবে

ইএক্স ২১০ এলসি প্রাইম এর মূল বৈশিষ্ট্য:

- প্রাইম পারফরম্যান্স নতুন এবং উন্নত ইঞ্জিন, বড় বালতির আকার, আইওএইচএস উন্নত হাইড্রোলিক সিস্টেম এবং একাধিক মোড নির্বাচন
- প্রাইম ভারোসা প্রত্যয়িত হিটাচি প্রযুক্তি নির্ভরযোগ্য এবং টেকসই সমষ্টি
- প্রাইম কমফোর্ট এবং সেফটি মাল্টি-কালার এলসিডি মনিটর সহ নতুন এবং উন্নত অপারেটরের সিট, ৩০ শতাংশ মসৃণ অপারেটিং লিভার, এরগনমিক কন্ট্রোল সহ নতুন অডিও প্লেয়ার
- প্রাইম কানেক্টিভিটি ইনসাইট (টেলিমেটিক স্যুট) গুজি কানেক্টিভিটি করে।




হয়েছিল। উচ্চ জ্বালানী দক্ষতা, কম রক্ষণাবেক্ষণ খরচ এবং উচ্চতর পুনঃবিক্রয় মূল্য সহ, সম্পূর্ণ নতুন ইএক্স ২১০ এলসি প্রাইম এই শ্রেণীর গ্রাহকদের বিনিয়োগের উপর সর্বোচ্চ রিটার্নের প্রতিশ্রুতি দেয়।

এই লঞ্চ ইভেন্ট সম্পর্কে, মিঃ বি কে আর প্রসাদ, জেনারেল ম্যানেজার - টাটা হিটাচির মার্কেটিং, বলেন: টাটা হিটাচি-এর প্রোডাক্ট লাইন-আপে এই

যুগান্তকারী সংযোজন উদ্ভাবনের প্রতি কোম্পানির অটল প্রতিশ্রুতি এবং খনির ভবিষ্যত তৈরিতে তার নিষ্ঠার প্রমাণ। ইএক্স ২১০ এলসি প্রাইম শিল্পের মান উন্নত করার এবং শ্রেষ্ঠত্বের জন্য নতুন মানদণ্ড স্থাপন করার প্রতিশ্রুতি দেয়।

আরও বিস্তারিত জানার জন্য, আমাদের ওয়েবসাইট www.tatahitachi.co.in দেখুন



খড়্গপুর ৭ মার্চ, ২০২৪: নিউজ সারাদিন : খনির ভবিষ্যৎ নির্মাণ নির্ভরযোগ্যতা এবং কর্মক্ষমতার উত্তরাধিকারের উপর ভিত্তি করে, নতুন উন্নত ইএক্স ২১০ এলসি প্রাইম তার আগের পণ্যগুলির দক্ষতার উপর ভিত্তি করে তৈরি করেছে। এই উন্নত মেশিনটির স্থায়িত্ব

এবং দক্ষতার প্রমাণিত ইতিহাস রয়েছে। এটি উচ্চ মানের নির্মাণ মেশিনের টাটা হিটাচির প্রতিশ্রুতি অনুযায়ী বেঁচে থাকে। ইএক্স ২১০ এলসি সিরিজ বিভিন্ন ধরনের নির্মাণ কাজের জন্য একটি নির্ভরযোগ্য এবং উদ্ভাবনী সমাধান হিসেবে প্রাইম এর

খ্যাতি তৈরি করেছে। গ্রীনল্যান্ড টাওয়ার, খড়্গপুরে সম্মানিত গ্রাহকদের উপস্থিতিতে, টাটা হিটাচির সিনিয়র ম্যানেজমেন্ট এবং ইন্টারন্যাশনাল আর্থমুভার প্লাইভেট লিমিটেড (অনুমোদিত ডিলার পার্টনার) এর উপস্থিতিতে লঞ্চটি

জেলায় জেলায় পথে নামছেন তৃণমূল নেতা-কর্মীরা



পশ্চিম মেদিনীপুর : নিউজ সারাদিন : ব্রিগেডে আগামী ১০ মার্চ 'জনগর্জন সভা' থেকে কেন্দ্রের বিরুদ্ধে তোপ দেগে লোকসভা নির্বাচনের প্রচারের সূচনা করবেন মুখ্যমন্ত্রী মমতা তৃণমূল নেতা-কর্মীরা। বৃহস্পতিবার পশ্চিম মেদিনীপুর জেলার দাঁতন ২ ব্লক তৃণমূল কংগ্রেসের উদ্যোগে জেনকাপুর বাজারে 'জনগর্জন সভা'র আয়োজন করা হয়। এদিন 'জনগর্জন সভা'কে সামনে রেখে দাঁতনের বিধায়ক বিক্রম চন্দ্র প্রধান নাম না করে কেন্দ্রকে বিভিন্ন প্রকল্পে বাংলাকে বঞ্চিত করার অভিযোগে বেঁধেন। এ দিন

জেলা পরিষদের সদস্য শাহজাহান কোনও ক্ষমতা প্রয়োগ করতে পারবে না, বলল হাইকোর্ট



স্টাফ রিপোর্টার, নিউজ সারাদিন : সন্দেহখালির ঘটনার পর চাপে পড়ে আগেই শেখ শাহজাহানকে দল থেকে বহিষ্কার করেছে তৃণমূল। আর তড়পরেই জেলা পরিষদের কর্মাধ্যক্ষ থেকেও তাকে সরিয়ে দেওয়া হয়েছে। কিন্তু, অভিযোগ উঠেছে সিবিআই হেফাজতে থাকা শাহজাহান এখনও জেলা পরিষদের সদস্য হিসেবে রয়ে গিয়েছেন এবং ক্ষমতা ভোগ করছেন। বৃহস্পতিবার কলকাতা হাইকোর্টে এমনই অভিযোগ তোলেন অতিরিক্ত সালিসিটর জেনারেল (এএসজি) অশোক কে চক্রবর্তী। এরপরেই আদালতের তরফে রাজ্যের সংশ্লিষ্ট কর্তৃপক্ষকে একটি উত্তর দাখিল করার নির্দেশ দেওয়া হয়েছে। সেক্ষেত্রে জানাতে হবে, জমিগুলি দখলের পরে ব্যবহার করা হয়েছিল কিনা এবং যদি তাই হয়, তবে সেগুলির আসল অবস্থায় ফিরিয়ে দেওয়ার পরেই হস্তান্তর করা হচ্ছে কিনা।

এরপর ৩ পাতায়

স্বামী প্রজ্ঞানন্দ গিরি
কর্তৃক প্রতিষ্ঠিত
তঁরাতীর্থ
আশ্রমের অধিষ্ঠাত্রী
শ্রী শ্রী তঁরা মা ও
শ্রী শ্রী বগলা মায়ের
প্রতিষ্ঠা তিথি অনুকূট
মহোৎসব,
স্থান - বল্লভপুর
শ্রীরামপুর, ভৃগলি

তঁরাতীর্থ আশ্রম (শ্রী শ্রী তঁরামাতার মন্দির)
শিবরাত্রী উৎসব
ও অনুকূট মহোৎসব
২৪শে ফাল্গুন ১৪৩০, (ইং ৮ই মার্চ), ২০২৪ শুক্রবার
সকাল ১০টা বিশ্বকল্যাণার্থে রুদ্রাভিষেক, শ্রী শ্রী চণ্ডীপাঠ, পূজা ও যজ্ঞ

চতুর্মূখী যজ্ঞ ও রুদ্রাভিষেক
শ্রীমদ্ নিষ্ঠূনানন্দ ব্রহ্মচারী (প্রেমমন্দির, রিষড়া)
২৫শে ফাল্গুন ১৪৩০, (ইং ৯ই মার্চ), ২০২৪ শনিবার **প্রসাদ বিতরণ বেলা ১২:৩০মি:**

নতুন মুখ অভিনেতা-অভিনেত্রী চাই

জরতের সর্বাধিক প্রচারিত বাংলা দৈনিক ই পোপার

সারাদিন নিবেদিত ওয়েব সিরিজ
শুটিং শুরু হবে

বাংলার মানুষের সাথে, মানুষের পাশে

কালচক্র

নতুন মুখদের জন্য সুবর্ণ সুযোগ রয়েছে

অডিশন না দিয়ে অভিনয় সুযোগ পেতে হলে যোগাযোগ করুন পরিচালক মৃত্যুঞ্জয় সরদার-এর সাথে

যোগাযোগ নম্বর : ৯৫৬৪৩৮২০৩১

সুন্দরবনের সুন্দরবনে ঘুরে দেখতে চান

সুন্দরবনের বেড়াতে যাওয়ার বিশ্বস্ত প্রতিষ্ঠান

থাকা খাওয়ার সুব্যবস্থা রয়েছে

স্বল্প খরচে ছোট ছোট ট্যুরের জন্য যোগাযোগ করতে পারেন

মিতাশ্রী ট্যুর এন্ড ট্রাভেলস

মোবাইল : 9564382031



সিনেমার খবর



অসংখ্যবার ভৌতিক ঘটনার মুখোমুখি হয়েছি: অজয়



স্টাফ রিপোর্টার : নিউজ সারাদিন : অজয় দেবগনের পরবর্তী সিনেমা 'শয়তান'। বিকাশ বহেল নির্মিত এ সিনেমায় অজয়ের সঙ্গে পর্দা শেয়ার করেছেন আর মাধবন, জ্যোতিকা। এ সিনেমার ট্রেইলার লঞ্চিং অনুষ্ঠানে অজয় জানানেন, অসংখ্যবার ভৌতিক ঘটনার মুখোমুখি হয়েছেন তিনি। সমস্ত সংস্কৃতিতে কালো জাদুর অস্তিত্ব রয়েছে। তা জানিয়ে অজয় দেবগন বলেন, 'দীর্ঘদিন ধরে হরর ঘরানারা সিনেমায় অভিনয় করতে চাচ্ছিলাম। আমি আগে 'ভূত' সিনেমায় অভিনয় করেছি। এই ঘরানার সিনেমা আমি ভালোবাসি। কারণ সমস্ত সংস্কৃতিতে কালো জাদুর অস্তিত্ব রয়েছে। এটি শুধু আমার নয়, যে পরিবার এ ধরনের সমস্যার মুখোমুখি হয়েছেন তাদেরও। আমি তাদেরই একজন।' শুটিং করতে গিয়ে প্যারানরমাল ঘটনার মুখোমুখি হয়েছেন অজয়। তা স্মরণ করে এই অভিনেতা বলেন, 'আমার অসংখ্য সুপারন্যাচারাল ঘটনার অভিজ্ঞতা রয়েছে। এর আগে বাইরে শুটিং করতে গিয়ে প্যারানরমাল ঘটনার মুখোমুখি হয়েছি। আমার ক্যারিয়ারে প্রথম ১০-১২ বছর অসংখ্য প্যারানরমাল ঘটনার মুখোমুখি হয়েছি।' 'আমার অনেক অভিজ্ঞতা রয়েছে। আমি জানি না সেসব কতটা সত্যি। কিন্তু আমি খুব কম মানুষই পেয়েছি, যারা এটাকে বিশ্বাস করে না। আমরা যখন বাড়ি থেকে বাইরে আসি অথবা অসুস্থ হয়ে পড়ি, তখন প্রথমে মাথায় আসে এটি অশুভ দৃষ্টির কথা। এই বিশ্বাস সর্বসম্মত।' বলেন অজয়। দেবগন ফিল্মস, জিও স্টুডিও এবং প্যানোরমা স্টুডিওর ব্যানারে নির্মিত হয়েছে 'শয়তান' সিনেমা। আগামী ৮ মার্চ মুক্তি পাবে সিনেমাটি।

ভারতের শীর্ষ ৩০ ক্ষমতাধর ব্যক্তির তালিকায় শাহরুখ



নিজস্ব সংবাদদাতা : নিউজ সারাদিন : ভারতের প্রথম সারির গণমাধ্যম দ্য ইন্ডিয়ান এক্সপ্রেস দেশটির সবচেয়ে ক্ষমতাধর ১০০ ব্যক্তির তালিকা প্রকাশ করেছে। যেখানে তারকাদের মধ্যে শীর্ষে অবস্থান করছেন কিং খান-খ্যাত শাহরুখ খান। তিনি জায়গা করে নিয়েছেন টপ থার্ড-তে। চলতি বছরে ভারতের ক্ষমতাধর ব্যক্তিদের তালিকায় ২৭ তম স্থানে রয়েছেন শাহরুখ খান। ভারতীয় অভিনয়শিল্পীদের মধ্যে শাহরুখ ছাড়া শীর্ষ ত্রিশের তালিকায় আর কেউ জায়গা পাননি। 'আইই ১০০' তিনি জায়গা করে নিয়েছেন ইন্ডিয়ান অব ২০২৪-এর এই তালিকার শীর্ষে রয়েছেন দেশটির প্রধানমন্ত্রী নরেন্দ্র মোদি। এবার ক্রিকেটার বিরাট কোহলি, অভিতাভ বচ্চন যথাক্রমে ৩৮ এবং ৫৮তম স্থানে রয়েছেন। গত বছর এ তালিকায় আলিয়া ভাটের অবস্থান ছিল ৯৯তম। উল্লেখ্য, দীর্ঘ ৪ বছর পর গেল ২০২৩ সালে রাজকীয়ভাবে বড় পর্দায় ফিরেন শাহরুখ খান। এ বছর তিনটি ব্লকবাস্টার হিট সিনেমা উপহার দেন তিনি। এগুলো হলো - 'পাঠান', 'জওয়ান' ও 'ডাক্কি'।

চলন্ত ট্রেন থেকে বাঁপ দিয়েছিলেন অক্ষিতা! নেপথ্যে কোন ঘটনা?



স্টাফ রিপোর্টার, নিউজ সারাদিন : অক্ষিতা লোখান্ডে, ভারতের আলোচিত অভিনেত্রী। নানা কারণে প্রায়ই আলোচনায় থাকেন তিনি। বহু দিন ধরেই অক্ষিতা কাজ করছেন টেলিভিশনে। 'পবিত্র রিশতা' সিরিয়ালে অভিনয় করার পরেই প্রচারের আলোয় আসেন তিনি। তাছাড়া জনপ্রিয় অভিনেতা সুশান্ত সিং রাজপুতের প্রেমিকা হিসেবেও এক সময়ে পরিচিতি ছিল তার। তবে ইদানিং অক্ষিতাকে নিয়ে বেশি চর্চা হচ্ছে অন্য কারণে। সৌজন্যে অবশ্যই বিগ বস ১৭। বিগ বস-এর ঘরে প্রতিযোগী হিসেবে প্রবেশ করার পর থেকেই চর্চায় উঠে আসেন অক্ষিতা। বিগ বস-এর ঘরে স্বামী ভিকি জৈনের সঙ্গে যে আচরণ করেছিলেন অক্ষিতা, তার জন্য তাকে নিয়ে সমালোচনার ঝড় উঠেছিল। তবে নিন্দুকেরা অবশ্য বলেছিলেন, সবটাই নাকি প্রচার পাওয়ার জন্যই করছেন অক্ষিতা। কিন্তু অক্ষিতা তার পারফরম্যান্সে বুঝিয়ে দিয়েছিলেন, তিনি সমালোচনাকে ভয় পান না। সমালোচনায় ভয় না পেলেও সম্প্রতি অক্ষিতা তার জীবনের এক ভয়ঙ্কর অভিজ্ঞতার কথা জানিয়েছেন। তিনি বলেন, "আমি ট্রেনকে খুব ভয় পাই। একবার লোকাল ট্রেন থেকে পড়ে গিয়েছিলাম।" অক্ষিতা জানান, চার্চগেট রেলওয়ে স্টেশনে তিনি একটি দ্রুতগামী ট্রেনে উঠে পড়েন, কিন্তু তার বন্ধুরা একটি লোকাল ট্রেনে। ওই সময় বন্ধুরা তাকে দ্রুতগামীর ওই ট্রেন থেকে নামতে বলে। আর সঙ্গে সঙ্গে তিনি বাঁপ দেন ট্রেন থেকে। তিনি বলেন, "আমি যখন ট্রেন থেকে লাফ দিয়েছি, আমি গড়িয়ে পড়লাম। সেই যাত্রায় আমি কোনওরকমে বেঁচে গিয়েছিলাম।" অক্ষিতা আরও বলেন, "এটা ছিল আমার শেষ ট্রেন যাত্রা। যাই হোক, ছোটবেলা থেকেই ট্রেনকে ভয় পেতাম।" অক্ষিতা লোখান্ডে, যিনি মূলত ইন্দোরের বাসিন্দা, মুম্বাইতে বিশ বছরেরও বেশি সময় কাটিয়েছেন। তিনি এখন তার স্বামী ভিকি জৈনের সাথে শহরে থাকেন।

বিবাদ মিটিয়ে নতুন শো-এর ঘোষণা কপিল-সুনীলের



নিজস্ব সংবাদদাতা : নিউজ সারাদিন : বিবাদ মিটিয়ে নতুন শো নিয়ে হাজির হতে যাচ্ছেন ভারতের জনপ্রিয় কমেডিয়ান কপিল শর্মা ও সুনীল ধোভার। গত বছরের ডিসেম্বরে জানা যায়, নতুন শো নিয়ে একসঙ্গে ফিরছেন তারা। তবে ওই সময়ে বিস্তারিত কিছু জানানো হয়নি। এবার বিশদে জানানেন কপিল শর্মা। গেল ২৯ ফেব্রুয়ারি ইনস্টাগ্রাম একটি ভিডিও পোস্ট করে কপিল শর্মা জানান, তাদের নতুন শো-য়ের নাম 'দ্য গ্রেট ইন্ডিয়ান কপিল শো' এটি দেখা যাবে স্ট্রিমিং প্ল্যাটফর্ম নেটফ্লিক্সে। আগামী ৩০ মার্চ থেকে প্রতি শনিবার রাত ৮টায় নতুন পর্ব মুক্তি পাবে। এ ভিডিওতে দেখা যায়, স্টুডিওতে বসে আছেন কপিল, সুনীল, কিকু, ক্রুমা, অর্চনা ও রাজিব। সেখানে বসে তারা তাদের শোয়ের নাম নিয়ে আলোচনা করছেন। কীভাবে শোয়ের নাম ঘোষণা করলে তা দ্রুত মানুষের কাছে পৌঁছাবে, এ নিয়ে চলে আলোচনা। মূলত, নতুন শোয়ের নাম ঘোষণার জন্য এই ভিডিওটি তৈরি করা হয়েছে। উল্লেখ্য, ৬ দ্য কপিল শর্মা শ্রেণীর মাধ্যমে জনপ্রিয়তা লাভ করেন

বিয়ে করলেন সংগীতশিল্পী অনুপম



নিজস্ব সংবাদদাতা : নিউজ সারাদিন : ফের বিয়ে করলেন দুই বাংলার জনপ্রিয় সংগীতশিল্পী অনুপম রায়। তার স্ত্রী কণ্ঠশিল্পী প্রস্মিতা পাল। গতকাল শনিবার (২ মার্চ) সন্ধ্যা ৭টায় বিয়ের রেজিস্ট্রি হয়। জাকজমক নয়, বলা চলে একেবারেই সাধারণ পরিবেশে তৃতীয় বিয়ের আনুষ্ঠানিকতা সম্পন্ন করলেন এ সংগীত শিল্পী। অনুপম-প্রস্মিতা ঘনিষ্ঠ বন্ধু বান্ধব ও আত্মীয়-সজনদের উপস্থিতিতেই নতুন অধ্যায় শুরু করলেন। ২০২১ সালে অনুপমের দ্বিতীয় স্ত্রী পিয়া চক্রবর্তীর সঙ্গে বিবাহবিচ্ছেদ হয়। গত বছর ২৭ নভেম্বর পিয়াকে বিয়ে করেন অভিনেতা-পরিচালক পরমব্রত চট্টোপাধ্যায়। এরপর থেকে সোশ্যাল মিডিয়ায় ট্রোলিং শুরু হয়। যদিও সেই সময় গায়ককে নেটিজেনরা সমবেদনা জানিয়েছেন। কিন্তু অনুপমের তৃতীয় বিয়ের সংবাদ ছড়িয়ে পড়লে তাকে নিয়ে শুরু হয় একই ঘটনা। যদিও বিয়ের দিন কয়েক আগেই অনুপমের স্ত্রী প্রস্মিতা ভারতীয় একটি গণমাধ্যমকে বলেন, 'ট্রোলিংয়ের জন্য আমরা প্রস্তুত। আমার মনে আমরা প্রস্তুত। আমার মনে সূখের হবে, এমনই আশা গায়কের সাবেক স্ত্রীর। আমাদের উপর প্রভাব ফেলতে পারবে না।' প্রস্মিতা আরও জানানেন যে, যাতে 'নেতিবাচক' মন্তব্য কম আসে, সে দিক থেকেও তিনি এবং অনুপম আশাবাদী। এ দিকে গায়কের বিয়ের খবর শুনে তার জন্য শুভকামনা পাঠান পিয়া। অনুপম আর প্রস্মিতার আগামী জীবন সুখের হবে, এমনই আশা গায়কের সাবেক স্ত্রীর।





স্টাফ রিপোর্টার : নিউজ সারাদিন : একমাত্র দেশ হিসেবে ২০৩৪ বিশ্বকাপ আয়োজনের জন্য আনুষ্ঠানিক প্রস্তাব দিয়েছে সৌদি আরব। যেখানে তাদের প্রতিদ্বন্দ্বী নেই। যদিও অস্ট্রেলিয়া আগ্রহ দেখিয়েছিল। তবে অস্ট্রেলিয়ার ফিফার ডেডলাইনের আগমুহুর্তে আবেদন সরে দাঁড়ায় তারা।

সবকিছু ঠিক থাকলে সৌদি আরবই হতে যাচ্ছে ২০৩৪ বিশ্বকাপের আয়োজক। বছরের শেষ দিকে জুরিখে অনুষ্ঠিত হবে ফিফার কংগ্রেস। সেখানেই আয়োজকের নাম ঘোষণা করবে ফিফা। সৌদি আরব একমাত্র দেশ হিসেবে আগ্রহ দেখালেও ফিফার নিয়ম অনুযায়ী, আনুষ্ঠানিক প্রস্তাব দিতে হয়।

সৌদি আরব ফুটবল ফেডারেশনের (এসএএফএফ) সভাপতি ইয়াসির আল মিসেহাল বলেছেন দেশটির দ্রুত রূপান্তরের কারণে বিড সফল হবার সম্ভাবনা রয়েছে। এ সম্পর্কে সৌদি ফুটবল প্রধান বলেন, 'এক্ষেত্রে আমাদের ফুটবল গল্প বিশ্বের কাছে তুলে ধরা খুবই গুরুত্বপূর্ণ। পুরুষ ও নারী ফুটবলে আমরা অভূতপূর্ব উন্নতি করেছি। পুরো বিশ্বে আমাদের এই চমৎকার যাত্রার সাথে যোগ করতে বিডে উন্মুক্ত আমন্ত্রণ থাকবে।'

বিডের প্রচারণায় সৌদি আরব ফুটবল ফেডারেশন 'থোয়িং. টুগেদার' নামে একটি স্লোগানও প্রকাশ করেছে। সে সঙ্গে প্রচারণার জন্য একটি লোগোও বের করা হয়েছে। এই লোগোয় বিভিন্ন রঙে রাঙানো ফিতা দিয়ে লেখা '৩৪' সংখ্যাটি। এ ছাড়া সামাজিক যোগাযোগমাধ্যমে প্রচারণার অংশ হিসেবে বেশ কিছু পোস্ট দিয়েছে সৌদি ফুটবল ফেডারেশন।

সৌদি আরব ২০৩৪ বিশ্বকাপের আয়োজক হলে, প্রথমবারের মতো একক দেশে অনুষ্ঠিত হবে ৪৮ দলের বিশ্বকাপ। আগামী ২০২৬ বিশ্বকাপে প্রথমবার অংশ নেবে ৪৮ দল। যা অনুষ্ঠিত হবে যুক্তরাষ্ট্র, মেক্সিকো ও কানাডায়। এর পরের বিশ্বকাপের আয়োজক মরক্কো, পর্তুগাল ও স্পেন। তবে প্রথম তিনটি ম্যাচ অনুষ্ঠিত হবে উরুগুয়ে, আর্জেন্টিনা ও প্যারাগুয়ে। কাতার বিশ্বকাপের মতো ২০৩৪ বিশ্বকাপও শীতকালীন মৌসুমে অনুষ্ঠিত হওয়ার সম্ভাবনা রয়েছে।

টেস্ট ক্রিকেটে নতুন নজির লায়নের



স্টাফ রিপোর্টার, নিউজ সারাদিন : ওয়েলিংটনে নিউজিল্যান্ডের বিরুদ্ধে অস্ট্রেলিয়ার প্রথম টেস্ট জয়ের অন্যতম কারিগর নাথান লায়ন। ম্যাচে মোট ১০ উইকেট নিয়েছেন অভিজ্ঞ এই অফস্পিনার। এই সাফল্য ভেঙে দিয়েছে ৭৮ বছরের পুরনো একটি রেকর্ড। রবিবার প্রথম টেস্টে নিউজিল্যান্ডের বিরুদ্ধে ১৭২ রানে জয় পেয়েছেন প্যাট কামিসরা। নিউজিল্যান্ডের দ্বিতীয় ইনিংসে ৬৫ রান খরচ করে ৬ উইকেট নিয়ে অস্ট্রেলিয়ার জয়ে গুরুত্বপূর্ণ ভূমিকা রেখেছেন লায়ন। তার এই সাফল্যে তৈরি হয়েছে নতুন নজির। টেস্ট ক্রিকেটে

নিউজিল্যান্ডের মাটিতে কোনো অস্ট্রেলীয় বোলারের এটাই সেরা বোলিং। ১৯৪৬ সালে অস্ট্রেলিয়ার সাবেক ক্রিকেটার উইলিয়াম জোসেফ ওরিলি ১৪ রান দিয়ে ৫ উইকেট নিয়েছিলেন। ওয়েলিংটনের ২২ গজেই নজির গড়েছিলেন সাবেক লেগস্পিনার। রবিবার ৭৮ বছরের পুরনো সেই রেকর্ড ভেঙে দিলেন লায়ন। নিউজিল্যান্ডের মাটিতে অস্ট্রেলীয় স্পিনারদের মধ্যে টেস্টের এক ইনিংসে লায়নই এখন সেরা। একই সঙ্গে নিউজিল্যান্ডের মাটিতে অস্ট্রেলিয়ার প্রথম স্পিনার হিসেবে ইনিংসে ৬ উইকেট নেওয়ার নজিরও গড়লেন লায়ন।

পগবা: প্রতিভার নিদারুণ অপচয়!

এমবাল্পেকে ছাড়া চলতে শিখছে পিএসজি



স্টাফ রিপোর্টার : নিউজ সারাদিন : কিলিয়ান এমবাল্পে মৌসুম শেষে ফ্রি এজেন্টে রিয়াল মাদ্রিদে যোগ দেবেন, এটা অনেকটাই নিশ্চিত হয়ে গেছে। কিন্তু কোনো পক্ষ থেকে আনুষ্ঠানিক ঘোষণা আসেনি। পিএসজি কিংবা এমবাল্পে ক্লাব ছাড়ার ঘোষণা দেননি। রিয়াল মাদ্রিদও এখনও নতুন তারকা কে স্থাগত জানায়নি। সংবাদ মাধ্যমের গুঞ্জন অনুযায়ী, চ্যাম্পিয়ন্স লিগে পিএসজি ও এমবাল্পের মুখোমুখি হওয়ার সম্ভাবনা এখন আর থাকবে না, তখনই আসবে চুক্তির ঘোষণা। তবে পিএসজির স্প্যানিশ কোচ লুইস এনরিকে ইঙ্গিতপূর্ণ মন্তব্য করে এমবাল্পের ক্লাব ছাড়ার ঘোষণা একপ্রকার দিয়ে দিয়েছেন। সেই সঙ্গে তাঁকে ছাড়া যে সামনের দিনগুলোতে চলতে হবে, সেটাও একপ্রকার বলে রেখেছেন এই কোচ।

স্টাফ রিপোর্টার : নিউজ সারাদিন : পল পগবার প্রতিভা নিয়ে কোনো দিনই প্রশ্ন ছিল না। অনেকের মতে, সর্বকালের সেরাদের কাতারে নাম লেখানোর সামর্থ্য ছিল তাঁর। কিন্তু একের পর এক ভুল, একগুঁয়েমি, বাজে কাজে কলঙ্কের কালিমায় ক্যারিয়ার শেষ হতে বসেছে তাঁর। যার সর্বশেষটি হলো ডোপ পাপে চার বছরের নিষেধাজ্ঞা। বিশ্বকাপজয়ী এ মিডফিল্ডারের বয়স এখন ৩১ ছুঁইছুঁই। চার বছরের নিষেধাজ্ঞা কাটিয়ে ৩৫ বছর বয়সে তাঁর পক্ষে ফুটবলে ফেরা কি সম্ভব? তাহলে এখানেই কি ইতি ঘটে গেল সময়ের অন্যতম সেরা এই প্রতিভার!

রবার্ট ডি নিরোর বিখ্যাত 'এ ব্রুক্স টেল' সিনেমায় কেন্দ্রীয় চরিত্রে থাকা তরুণের উপলব্ধি ছিল 'জীবনে সবচেয়ে দুঃখজনক বিষয় হলো প্রতিভার অপচয়। তরুণ বয়সের কর্মগুলো আপনার জীবনকে চিরতরে বদলে দেবে।' পল পগবা যেন বিখ্যাত এই সিনেমার যথোপযুক্ত বাস্তব উদাহরণ। একদা তিনি ছিলেন এই বিশ্বব্রহ্মাণ্ডের সবচেয়ে ব্যয়বহুল খেলোয়াড়। 'জি লিয়ান প্লেট রোনালদিনহো' তাঁকে ব্যালন ডি'অরের সম্ভাব্য বিজয়ী হিসেবে চিহ্নিতও করেছিলেন। ২০১৬ সালে জুভেন্টাস থেকে



ম্যানচেস্টার ইউনাইটেডে ফেরার পরই তাঁর পতনের সূচনা। উশুজল জীবনে অভ্যস্ত হয়ে ওঠা ফরাসি এ তারকা খ্যাতির চূড়া থেকে নিজের ধ্বংসটাও দেখলেন। পগবার এই নিষেধাজ্ঞা ফুটবল বিশ্বের জন্যই ভীষণ দুঃখের। কারণ, ফুটবল ইতিহাসের অন্যতম সেরা প্রকৃতি প্রদত্ত সহজাত এই প্রতিভার সম্পূর্ণ ক্ষুরণ দেখতে পারলেন না ফুটবলপ্রেমীরা। জুভেন্টাস ক্যারিয়ারের প্রথম দফায় এবং ফ্রান্স জাতীয় দলের হয়ে শুরুতে যা খেলেছিলেন, পরে এর ধারেকাছেও যেতে পারেননি তিনি। গত বছরের ২০ আগস্ট উদ্দিনেজের বিপক্ষে জুভেন্টাসের ম্যাচের পর দৈবচয়ন ভিত্তিতে পগবার নমুনা পরীক্ষা করা হয়। ৩-০ গোলে জেতা ওই ম্যাচে তিনি বেধে ছিলেন। পরীক্ষায়

ডোপিং নীতি লঙ্ঘিত হয়।' আপিল করার কথাও বলেছেন তিনি। তবে পগবা এখন ট্রাইব্যুনালের রায়কে ভুল বললেও তাঁর কথায় মানুষ খুব একটা বিশ্বাস করছে না। এর পেছনে কারণ হলো, তাঁর অতীত। ২০১১ সালে ম্যানইউর মূল দলে সুযোগ পাওয়ার আগেই পগবাকে সময়ের অন্যতম সেরা প্রতিভা ভাবা হচ্ছিল। পরের বছরই পাড়ি জমান জুভেন্টাসে। সেখানে দুর্দান্ত ফুটবল খেলেন তরুণ এ মিডফিল্ডার। জুভেদের হয়ে প্রথম দফার এ চার বছরে ১২৪ ম্যাচে ২৮ গোল করেন। সিরি-এ, কোপা ইতালিয়া জিতেছেন। ২০১৬ সালে ফিরে আসেন ম্যানইউতে। ২০২২ সাল পর্যন্ত ছয় বছরে ম্যানইউর হয়ে ১৫৪ ম্যাচে ২৯ গোল করেন। ইউরোপা, লিগ কাপ জেতেন এই সময়ে। ২০১৮ সালে ফ্রান্সের হয়ে বিশ্বকাপও জেতেন। তবে দ্বিতীয় দফায় ম্যানইউতে ফেরার পরই তাঁর উশুজল জীবনের সূচনা। তাজ-বিরক্ত হয়ে ম্যানইউর তৎকালীন কোচ হোসে মরিনহো এক পর্যায়ে পগবাকে 'ভাইরাস' বলেছিলেন। সে নিজে তো নিয়মশৃঙ্খলা মানেনি না, ডেসিংয়ের পরিবেশ নাকি নষ্ট করে ফেলে সে। স্যার এ লেব্র ফার্গুসনেরও অভিযোগ রয়েছে তাঁর প্রতি।

টেস্ট চ্যাম্পিয়নশিপের শীর্ষে ভারত



স্টাফ রিপোর্টার : নিউজ সারাদিন : নিউজিল্যান্ডকে সিরিয়ে বিস্ টেস্ট চ্যাম্পিয়নশিপের পয়েন্ট তালিকায় শীর্ষে উঠেছে ভারত। রবিবার ওয়েলিংটন টেস্টে অস্ট্রেলিয়ার কাছে ১৭২ রানের বড় ব্যবধানে হারার পর নিজেদের শীর্ষস্থান হারিয়েছে কিউইরা। তাতেই ভারত উঠে গেছে পয়েন্ট তালিকার চূড়ায়। আইসিসির হালনাগাদ করা পয়েন্ট তালিকায় শীর্ষে থাকা ভারতের সংগ্রহ পয়েন্ট ৬৪.৫৮ শতাংশ। আটটি টেস্ট খেলে পাঁচ জয়, এক ড্র, দুই হার ভারতের। দ্বিতীয় স্থানে থাকা নিউজিল্যান্ডের পয়েন্ট ৬০ শতাংশ। কিউইরা পাঁচটি টেস্ট খেলে তিনটি জিতেছেন এবং হেরেছেন দুটি।

তালিকায় তৃতীয় স্থানে থাকা অস্ট্রেলিয়ার পয়েন্ট শতাংশ ৫৯.০৯। ১১টি টেস্ট খেলে তারা জিতেছে সাতটি, হেরেছে তিনটি এবং ড্র করেছে একটি। অস্ট্রেলিয়ার পরেই আছে বাংলাদেশ। বাংলাদেশের অর্জিত পয়েন্ট শতাংশ ৫০। দুটি টেস্ট খেলে সমান একটি করে জয় ও পরাজয় বাংলাদেশের। পঞ্চম স্থানে থাকা পাকিস্তানের পয়েন্ট শতাংশ ৩৬.৬৬। ষষ্ঠ স্থানে ওয়েস্ট ইন্ডিজের সংগ্রহ ৩৩.৩৩ পয়েন্ট শতাংশ। সপ্তম স্থানে রয়েছেন দক্ষিণ আফ্রিকা। তাদের পয়েন্ট শতাংশ ২৫। ১৯.৪৪ শতাংশ পয়েন্ট নিয়ে আটে আছে ইংল্যান্ড। নবম অর্থাৎ শেষ স্থানে আছে শ্রীলঙ্কা।

আইপিএল খেলতে পারবেন তো সূর্যকুমার যাদব?



স্টাফ রিপোর্টার, নিউজ সারাদিন : আইপিএল শুরু হতে আর তিন সপ্তাহ বাকি। কতটা ফিট সূর্যকুমার যাদব? ফিটনেস নিয়ে এবার নিজেই আপডেট দিলেন টি-২০ ক্রিকেটের একনম্বর ব্যাটার। বর্তমানে ভারতের বেঙ্গালুরুর জাতীয় ক্রিকেট অ্যাকাডেমিতে রিহাব সারছেন সূর্য। নিজের

ইনস্টাগ্রাম অ্যাকাউন্টে রিকভারি জার্নির একটি ভিডিও পোস্ট করেন মুম্বাই ইন্ডিয়ান্সের এই ক্রিকেটার। সেই বিবর্তনের ভিডিওতে প্রথমে সূর্যকে একটি হুইলচেয়ারে দেখা যায়। ক্রাচ হাতেও দেখা যায় তাকে। এরপর রয়েছে ওয়ার্কআউটের ছবি। সেই ভিডিওর ক্যাপশনে লেখেন, "সঠিক দিশাতেই

রিকভারি এগোচ্ছে।" গত ডিসেম্বরে দক্ষিণ আফ্রিকার বিরুদ্ধে টি-২০ সিরিজে গোড়ালিতে চোট পান সূর্য। অস্ত্রোপচার হয় তার। বেঙ্গালুরুর এনসিএতে রিহাব শুরু করেন। এরপর জার্মানির মিউনিখে হানিয়ার অস্ত্রোপচার হয়। মাঠে ফেরার জন্য আশ্রয় চেষ্টা দিচ্ছেন সূর্য। মুম্বাই

ইন্ডিয়ান্স দলের গুরুত্বপূর্ণ অঙ্গ তিনি। গত আসরে আইপিএলে ১৬ ম্যাচে ৬০৫ রান করেন। এরমধ্যে ছিল একটি শতরান এবং পাঁচটি অর্ধশতরান। মুম্বাইয়ের হয়ে সর্বোচ্চ স্কোরার হন। দক্ষিণ আফ্রিকা সিরিজের আগে সূর্যের নেতৃত্বে ৪-১ ব্যবধানে টি-২০ সিরিজ জেতে ভারত।